

E Swing Di Carnaval

UN BISTA ATRAS RIBA 40 AÑA PASA

PA: Juby Naar

Como cu nos ta na 1999, a dicidi di tira un bista atras riba un aña cu a pasa cu ta termina riba 9, y a dicidi di escoge Carnaval 1959 como punto di salida pa e recordatorio aki.

Na 1959 e reina cu a wordo eligi como carnaval tabata Alicia Dijkhoff cu tabata Miss Viceroy. Nos a dicidi di bay den su baul di car-

naval di 1959 pa recorda e carnaval aki, esta 40 aña pasa.

E instalacion a ser haci den Club Watapana cu Sr. Mario S. Arends, efectuando e solemnidad aki.

Dia 31 di januari 59 den Wilhelmina Stadion, Alicia a wordo eligi como reina di carnaval y su runnerup a resulta Betty Blakely di

Club Caribe. President di Comite Central di Carnaval, Sr. Casper "Capeis- Cappie" Lacle a bisti'e su cinta y naturalmente el a ricibi e sunchinan grandi di prins di Carnaval Rudy Mac Donald. (pancho tabata Roy de Kort) Gezaghebber Eric "Tuchi" Arends a corona e reina algun dia despues den Wilhelmina Stadion tambe y naturalmente a baila un calypso (no wals) cu Alicia I riba tono di Esso Ohio Steelband. E corona a ser pasa di Milda v.d. Linden, Reina di carnaval 58 pa Alicia.

Pero despues Prins Rudy I a dicidi di manda Gezaghebber pa "Islanan Monky" pa bay descansa. E aña ey Tivoli a bay eleccion cu Toña Villasmil. E otro candidatanan tabata di Lago Heights Club, Trappers Club, Commandeursbaai Club, Bonaire Club (UMB), P.W.F.A. (cu tabata Petroleum Workers Federation of Aruba)

Mester menciona cu dia 25 di Januari den Lago Sport Park tabata tin e fiesta di carnaval di mucha, caminda centenares di mucha a bini hunto disfraz pa gana diferente premio cu tabata tin pa nan costumnan. No tabata tin parada di mucha e tempo ey ainda.



CARNAVAL '99

DIAMOND'S
PARTY & NOVELTIES SUPPLIES

Bo supermercado pa articulonan di fiesta tin pa Carnaval e.o.:

Mascârada, fluit, blaas, petchi, tur tipo di slinger, glitter, cups, tayo, napkins, bestek di tur color, cup pa popcorn, tray pa hotdog y hopi mas!

Nos ta sperabo na

DIAMOND'S
PARTY & NOVELTIES SUPPLIES



E Swing Di Carnaval

Diasabra, e dia despues di coronacion, dia 6 di februari, atardi a ser teni na San Nicolas e parada di carnaval di San Nicolas y e dia siguiente atardi na Playa.

Esey tabata e aña cu Sidonia Muller a briya cu su grupo "Glory of Persia" den tur dos parada, y cu historicamente e grupo di Fidel Castro y su revolucionarionan tambe a domina cayanan di san Nicolas y di Playa, mientras cu e grupo

di Leopardonan y Dek of Cards a resulta den esnan grandi tambe.

E carosanan di mas bunita a resulta e aña ey esun di Club Bonairiano, tambe di club Federacion (PWFA) y naturalmente di reina di carnaval riba su carosa Viceroy.

Pa bini back riba e coronacion, e anochi aki e show tabata consisti di Esso Ohio Steelband, tambe Sr. Harry "Lodi" Rodriguez (q.e.p.d.) tabata un exito grandi cu su


"One man band" tocando un variedad di instrumento hunto, y a presenta Bamboo Room Combo, dos bailarina di ballet di Corsow cu a duna un show riba musica di Chopin (clasico y no di carnaval), mientras cu for di Trinidad tabata tin show di Burey Thomas y su bailarinanan, mientras cu e astornan di Limbo Dans e tempo ey, e conocido y popular Ramon Sharpe y L.C. Edgar tur dos di lago Heights a presenta nan baile limbo.

Di Panama tabata tin Panatiko combo y di nos cantidad di trionan a actua e anochi ey Trio Los Conquistadores.

Con paradan di carnaval a caba e aña ey? Casi mescos cu locual tin ainda riba nos isla.

Na 1959 riba a mainta di 9 di februari, tur hende a spierta pa bay traha nan por a mira canto di caminda benta hopi trahe riba cual a traha lunanan largo, piezanan cu a costa un diner pa traha, y tambe den hokkinan na casnan tabata tin piezanan cu a wordo warda pa mira kico lo haci cu nan e aña siguiente.

Riba e portretnan hunto cu articulo aki por mira entre otro. Reina Sidonia di grupo di Persia, Fidel Castro y su revolucionarionan cu motocicletanan, jeepnan, Carosa di Reina di Carnaval Alicia I, (e carosa di Commandeursbaai Club cu riba dje, Lucia de Cuba di Commandeursbaai y Sr. Jacinto "Chinto" Geerman, q.e.p.d. cu tabata un popular sindicalista di nos isla y di e grandinan. Por mira Prins Rudy coronando Lucia di commandeursbaai, tambe e leopardonan di e aña ey cu a resulta den grupo hopi grandi tambe, reina di Tivoli cu su prins Ru Arends, Reina di UMB Anchie Goeloe cu su carosa cu a destaca e aña ey, salida di reina di PWFA for di CLUB na Weg Sero Preto na San Nicolas entre otro. Esaki ta un bista tira atras 40 aña pasa y cu gratitud tambe na Alicia cu a laga nos usa su "baul di recuerdo" pa esaki.



"Giselle" N.V.
Department Store

Noord 55-A
Tel: 67104

BO TA BUSCANDO ALGO LEUK PA BISTI
DURANTE E TEMPORADA DI CARNAVAL?



Pasa awe mes na *Giselle*!

Nos tin: Bermuda y carson largo stretch, carson largo y bermuda di jeans tur size, T-shirt, sweater size grandi, blusa, bermuda di catuna size 6 te 18, slacks, saya, set di slacks y set di bermuda di tela flanel, badpak, zapato, sandalia y keds!

Tambe nos tin sombre halto, bril varios model, peluca, paraplú pa bisti riba cabez, hairspray di color, party string, mascarada, fluit, petchi y varios articulo mas!

Nos tin hopi mas. Nos ta wardabo na

Giselle

